

欽定石渠寶笈續編

欽定石渠寶笈續編

第五十二

寧壽宮藏九

列朝名人書畫一

王羲之行穰帖真蹟一卷

〔本幅〕黃麻紙本縱七寸一分橫二寸八分草書足下行穰九人還示應決不大都當佳無名款兩側接黃絀右裱宣和金書王羲之行穰帖

御筆。龍跳天門。虎卧鳳閣。鈴寶一。乾隆御筆。在  
御題行書。

行穰帖。至宣和時始出。董思翁跋語。極推挹之。  
謂非唐以後人所能到。幾暇展觀。乃知其於渾  
穆中。精光內韞。雖稍遜快雪時晴。要非鈎摹能  
辦。乾隆戊辰夏五。御題鈴寶二。乾隆後接高

麗牋。

御題。

東坡詩所云兩行十二字者。本題其全言。香光以題右軍行穰帖後。當蹟而右軍此帖字數相近。遂謂足以當之。然其辭亦致疑焉。而未遽為定論也。近復得大令送梨帖。亦有香光所書蘇詩。當在題此卷之後。惜不得其歲月證之。乾隆戊辰仲夏御題鈴寶二。幾暇怡情。乾隆宸翰。後有董其昌釋。

文  
前

後隔水董其昌跋。

東坡所謂君家兩行十二字氣壑鄰侯三萬載者此帖是耶。董其昌審定并題。

後幅前人題跋。

宣和時收右軍真蹟百四十有三。行穰帖其一也。以淳化官帖不能備載。右軍佳書而王著不真。元覽僅憑仿書。鈐版故多於真蹟中。挂漏如桓公帖。米海嶽以為王書。第一猶在官帖之外。餘可知已。然人間所藏不盡歸御府。即歸御府。或時代有先後。有淳化時未出而宣和時始出者。亦不可盡以王著為口實也。此行穰帖在草書譜中。諸刻未載。有宋徽廟金標正書。與西昇經聖教序一類。又有宣和政和印。其為內殿祕藏無疑。然觀其行

筆倉勁。兼竊篆之奇。晚唐以後。虞諸諸名家。視之。遠愧。真希代之寶也。何必宣和譜印。傳流有據。方為左券耶。萬應甲辰冬十月廿三日。華亭董其昌跋於戲鴻堂。

此卷在虞。當有吉祥雲覆之。但肉眼不見耳。己酉六月廿有六日。再題。同觀者陳繼儒吳

廷董其昌書。

近年見右軍舊蹟三四紙。以行穰帖為第一。真鴻寶也。乞致帖主人。當什能藏之。俟秋涼。容約同攜至小齋。再一快觀耳。澤言鈐印一硯。山齋。

題籤

御筆。王羲之行穰帖真蹟。神品。內府秘寶。鈐寶一乾。

隆宸翰。

王右軍行穰帖董其昌題

裝前隔水

鑒藏寶璽

八重全

樂壽堂鑑藏寶古希天子壽八徵

老念之寶

收傳印記雙龍圓印政和政龢宣龢宣和內

府圖書之印珍秘子孫保之用卿吳廷

謹按張彥遠法書要錄載此帖九作久示作竟佳作任蓋釋文異同本下尚有懸量宜其今缺因便任耳立侯王羲之白等字以尺度計之此帖本四行唐時尚存後二行耳宣和書譜載御府所藏二百四十三帖中明有行穰帖又政和宣和雙龍等璽現存董其昌跋

云何必宣和譜印方為左券亦殊標舛耳  
矣見珊瑚網南陽法書表清河書畫船書畫  
彙考後札據硯山齋印記是孫承澤筆

[illegible]

王羲之素生帖 一卷

本幅黃麻紙本。縱八寸。橫三寸一分。草書。得素二謝書。具為慰。素生暫至都。已還未。此生至到之懷。吾所也。無名款。

引首

御筆。書聖。鈐寶一。乾隆御筆。

前隔水。宣和金書。晉王羲之素生帖。

御筆釋文。楷書。前見鈐寶二。如如。涂翰。

後隔水

御題行書

得晤東吳誓墓賢。天倪曼行足窮年。傳來一綫  
書中聖。道過八人竈下烟。三行二十五隋珠。  
散木輪囷壽以孤。却勝蘭亭將樂毅。衣冠優孟  
恣填摹。乾隆丁卯暮春御題。鈴寶二。幾暇怡  
情。乾隆宸翰。

後幅

御筆。龍跳天門虎卧鳳閣。撫隋僧智果書。鈴  
寶二。乾隆宸翰。幾暇怡情。

御識。

右軍素生帖三行二十五字見於宣和書譜今  
展之古韻穆然神采奕奕宣和諸墨朱色猶新  
信其為宋內府舊藏乾隆丙寅與韓幹照夜白等  
圖同時購得而以此帖為冠向集石渠寶笈  
以右軍快雪時晴為墨池領袖復藏此卷遂成

二難。長至後一日。三希堂御題鈐寶二。乾隆宸翰。幾暇臨池。

考淳化閣帖曾載此本。而文徵明謂真蹟較閣帖微有不同。或當時臨摹失真不可知。今取閣本比對。遜真蹟遠甚。益信其言足據也。待詔以鑒賞名勝朝。審此為真蹟無疑。當與琬琰球圖共寶之。乾隆戊辰清和御識鈐寶三。乾隆幾暇臨池。附前人

# 題跋

右王右軍素生帖曾入宣和御府即書譜所載淳化閣帖第六卷亦載此帖是又嘗入太宗御府而黃長睿閣帖考嘗致詳於此然閣本較此微有不同不知當時臨摹失真或淳化所收別是摹本皆不可知而此帖入墨爛然其後單紙及內府圖書之印皆宣和衰池故物而全書標籤又出祐陵親劉當是真蹟無疑此帖舊藏吳興嚴震直家震直洪武中仕為工部尚書家多法書後皆散失吾友沈維時購得之嘗以示余今復觀於華中甫氏中南當以勒石矣顧真蹟無前人題識俾予疏其本末如此嘉靖十年歲在辛卯九月朔長洲文徵明汝鈴印二徵明晉王右軍素生帖真蹟至寶康熙己巳冬日

購於泰興季氏。價四百兩。宋刻絲面。價三十兩。江村朗潤堂鈐印二。朗潤堂怡老堂珠藏印。

題籤

御筆。王羲之素生帖。上上神品。內府祕寶。鈐寶三。神品。乾

隆宸翰

鑒藏寶璽。八璽。全。樂壽堂鑒藏寶。古希天。五福五

代堂寶。壽八徵耄念之寶。

收傳印記。雙龍圓印。政和政龢。雙龍長方印。

宣味宣蘇內府圖書之印。真賞華夏華原州  
堂。真知此中之妙。陳廷印。陳氏世寶。儼齋祕  
玩子孫永保。鴻緒之印。寶晉山房。雲間王鴻  
緒鑒定印。雲間王儼齋收藏記。高士奇圖書

記。又御書。印。

懋謹按是蹟刻入  
懋勤殿法帖

三希堂法帖亦入淳化閣帖。黃長睿曾見此真  
蹟。以與閣帖微有不同。今細校惟素字點長  
圓差異。生字較帖微向右。餘俱照合。明華夏  
中甫四印。即刻真賞齋帖者也。書畫舫云。素

生帖宋祕府故物。為吳中王氏藏本。神品也。  
高士奇特記。宋刻。絲面為珎。而書畫彙考亦  
極稱此仙山樓閣。絕似李思訓。生平所見。惟  
此為上。上超品。非此帖不足以當之。嚴震直  
烏程人。是帖又見明豐道生真賞齋賦注。寓  
意編書畫見聞表。

晉王羲之臨鍾繇古千文

一長

〔本幅〕白麻紙本。縱八寸五分。橫一丈六寸七分。行書。魏太尉鍾繇千字文。右軍將軍王羲之奉勅書。二儀日月雲露嚴霜。夫貞婦絜君聖臣良。尊卑舊別。禮義於莊存。而相欣離。感悲傷。岫號藝機。解此勅。豈毀食飯。研笑俳。徊負潔。落葉稷。稅稼穡。困唐虞。禪讓率賓。歸德飛龍在田。圖書見已過多。世杜豪席。俳。

理誰逼委翳渠荷射牒施脩新孔立升堂墳  
典之盛李林梧桐新孰表正學優卿建紙墨  
左令詳顧藉甚母嫡後稽仁連比堅顛神犢  
特睦以受伯升布嵇丸疲移爵取宇宙元黃  
歲盈餘吳列宿調陽崑崗珠劍垂蒙瞻眺務  
昆聆貽工拍抗故厥貢嶽云百難治刻畫綵  
丹青漢宮稱職盡忠景行名傳秉直詩讚白  
駒羣賢轉植魏假密踐途惟靡恃拱平章男

女形端谷聲虛積容止溫清言辭宜政慎增  
情性恬糠帷房悅豫接酒矯杯侍巾續御再  
拜丞嘗旋璣暉朗魄曜懼驟的厯陳根幹浹  
囊具象顙熱獲捕莽抽早異亭辱墻續條守  
真驚寫傍啓隱華千輦鉅勿又牧用紫翫殆  
枇杷駭躍超驤且顙執夕周發嚴使維賴彼  
罔慕桓振將家更土號韓煩寓目晝眠老少  
散慮呂疑和同殿丙公咸市寐綸巧佳俗利

兩疏叛亭杳冥吉劬隸漆浴驅轂內岱敢達  
疑皆毛簡荅於俠陪骸垢冠高茲阮天嘯牋  
愚秋地冬馳麗桓惠衣裳水鳥本獎頗勒碑  
實礪礪夜封戶壁藍笋矩步孤陋嘉猷持物  
心動甲帳對楹樓觀磐鬱吹笙鼓瑟伊尹呵  
衡鴈門綿邈史魚孟軻省躬銀素垣箱譏誠  
迴傾丁晉屬耳楚幸即輜嗣驢悚石碣沙漠  
宣威我尋求古寒沈默逍遙讀易口飫論車

榮頓盜宰手賊釋耽招絳煒寵南寧納駕肥  
惻陞似息履薄改環催造次箴規甘棠去唱  
上奉諸姑始匪虧外隨都邑寸陰終時過所  
定來薑得羔羊淡師鱗潛鴻大位樹習寶與  
當禍空念絲覆漆克日作事是聽福緣因登  
入磨分投廉退靡自肆懷纓銘翠蓮州約晚  
祇彫果珍難量夙若竟右既集如初亦聚帛  
民興兵洛極化無不及充四塞宗廟效靈遐

荒竭力明王壹舉八方仰則誅斬非道勸賞  
黜陟有功必美亡善可逐藏足為素結乃愛  
育被場菜罪代萬海醜騰京背辟亡推面字  
夏陶西問延黎伏據戎仙羌階蓋府身縣侈  
常軍國精志引要文武斯妙五經星辰下照  
渭殊流河川交映富貴猶欲短長從命賤惡  
並輕好謙敬能知任運官祿靜競遊鷗居謝  
攸畏腸適獸燭祭煌祀床弦康紛姿淋海嘯

義矢祐綏寡廊恬等聞鈞誚芥出制體歡鞠  
養基揭益兒奄弗切滿槐雨浮鍾舍羅思遣  
親張紉涼晦領俯束帶橫扶節翦微旦臨何  
濟合曲宅早澄深忘慶設廣弁趙霸近恥其  
勉累奏赤跡鑑貍辨并坐信起收給資糧恐  
年飄扇琴讌觴蘭草巨木筆懸闕暑往寒重  
永載成閨人安業承匡園池城想獨釣茂松  
逸意曠氣東皐野畝勞色農食黍馨火寔生

飢膳霄摩玉英飽才器談誠謹弱譽榮紡綺  
妾處士惶寂敦歌詠帝俊仕會朝審察法刑  
鳳翔律樂感禽獸兄友弟父慈子孝薦訓雅  
操庶幾庸禹通九郡沛滅秦羽傳說佐殷洞  
庭遼遠謂語助者焉哉乎也

箭隔水宋徽宗題晉王羲之臨鍾繇帖

後隔水外接高麗牋

御筆。龍跳天門虎卧鳳閣。鈴寶一。乾隆御筆。

御識

閣帖之首。有漢章帝草書與今所傳千文相類。此卷題為王右軍書鍾太尉千文者。詳所自。文義亦不相屈。意渡江後好事者華右軍佳迹為卷。周興嗣因從而韻之耳。觀其筆意精到而結構特為謹嚴。王肯堂曾收之鬱岡齋帖。謂米元章定為右軍書。米跋不知何時逸去。致可惜也。乾隆戊辰清和。御改鈴寶二。內府珍秘幾

暇怡情

此卷託名鍾王。故掇易其詞句以別於周興嗣。蓋好事者為之。其用筆結體。綽有內史矩矱。向以為的係真蹟。諦觀之實雙鉤本也。然鑒藏印識。歷歷可數。卷首有瘦金題籤。即雙鉤亦當出唐宋高手。斷為下真蹟一等不爽耳。乾隆壬申嘉平御筆。鈐寶一德充符。

後幅高士奇識。

晉王右軍臨鍾太傅千文真蹟至寶康熙丁  
卯秋日購泰興季氏價捌伯兩朗潤堂記  
印二朗潤堂高士奇圖書記

題籤

御筆。晉王羲之臨鍾繇古千文。內府鑒藏神品鈴寶

二御賞乾隆宸翰

鑒藏寶璽。八璽樂壽堂鑑藏寶。古希天子五福五

代堂寶壽八徵耄念之寶。

收傳印記雙龍印。政和宣和晉國奎章晉府

書畫之印。平海軍節度使之印。容齋封秋壑  
圖書。祕府。內殿珍玩。明昌御覽。羣玉中祕。明  
昌寶玩。端本。歐陽元印。內府圖書之印。張氏  
珍玩。吳俊仲傑。天籟閣。項子京家珍藏。項墨  
林父祕笈之印。桃里墨林。平生真賞。退密。子  
孫永保。神品。項元汴印。項赫子。墨林山人。子  
孫世昌。希世之寶。墨林祕玩。從吾所好。子京  
所藏攷古正令。子京父印。墨林子。若水軒墨。

林主人神游心賞。子京六藝之圃。子孫寶之。  
虛朗齋。西楚王孫。項墨林鑒賞章。橋李項氏。  
士家寶玩。宮保世家。淨因菴主。志存高遠。珍  
祕。高士奇澹人。士奇之印。高士奇圖書記。江  
邨祕藏。靜寄軒圖書印。楊家。天荒地老無人  
識。

謹按是蹟列入  
三希堂法帖。文惟首八句用韻。文義可通。其下  
不能句讀。結二句仍與周興嗣本同。計字九  
百七十有四。缺致光皇胤。湯首恭莫尺淵枝。

涇彩路宅盟恒中音主紐索居間颯糟曜二  
十七字。重一恬字。又妍為研。清為清。倫為倫。  
鳴為鴻。伐為代。則係筆誤。義之書鍾繇千字  
文始見宣和書譜。厥後流傳有緒。

御定為唐宗高。手鈎本。具仰真鑒。董道廣川書跋。引楊億謂周興嗣本勅字為

梁字。陳時朝廷命令未加勅字。此款亦作奉  
勅書。蓋唐始定人主之令為勅。亦唐摹一証  
也。考諸印記。平海軍節度使乃北宋駙馬都  
尉李瑋。太宗取其家法書以刻閣帖者。後累  
朝皆入內府。宋則有雙龍政和宣和三璽。金  
則有明昌御覽。明昌寶玩。羣玉中祕。三璽。後  
又有端本璽。按元至正九年。皇子就學。即興  
聖宮。西偏故宣文閣。改曰端本堂。見王禕端  
本堂頌。是元亦入內。金元之際。暫出人間。有  
洪邁容齋印。賈似道封字。秋堅圖書印。張寔

發張氏珎玩印。若歐陽元則元文宗時為奎  
章閣藝文少監。預觀祕籍者也。亦見江村銷  
夏錄書畫景考。

[illegible]

王獻之送梨帖真蹟一卷

〔本幅〕白麻紙本。縱七寸七分。橫二寸八分。草書。今梨三百。晚雪殊不能佳。無名款。左接裴紙二幅。有柳公權文同題跋。左右標絹。

御題行書

予三希堂所藏大令中秋帖。以精采妍密勝。此十字以高簡勝。皆經香光品定。其為真迹無疑。物以類聚。亦當貯之三希堂。乃適合柳誠懸所

云劍合延津者亦一段奇緣也 乾隆御題鈴

寶二幾暇怡情乾隆宸翰

送梨未審於誰氏凌雪宛看大谷珎因王昔有  
得羊者題語欣逢筆諫人 乾隆丁丑御題鈴

寶二乾隆

因太宗書卷首見此兩行十字遂連此卷末  
若殊還合浦劍入延平大和二年三月十日  
司封員外郎柳公權記  
治平乙巳冬至巴郡文同與可久借點觀時  
在成都回車館

前隔水大令送梨帖真蹟奇品之上朱書無名款

後隔水

御識

香光裹以坡翁兩行十二字句謂題右軍行穰帖大令此卷蓋後見考定者故復備錄於此坡書不知何時逸去得香光補書亦無愧虎賁中郎之目御題鈴寶二會心不遠德克符

後幅前人題跋

今送梨三百。晚雪殊不能佳。大令送梨帖。柳公權鑒定。家雖野鷺同登。祖春蚓秋蛇共入。奎君家兩行十二字。氣壓鄴侯三萬歲。子瞻居士題清秋臨送梨帖。附以子瞻題董其昌為悟軒弟。萬厯庚辰。余上計京師。卧病乞休不允。以三月十日辭行。宿廣慧寺。次晨將登車。客有持此卷來售者。朱恭僊家物也。值須七十金。而懷貲已罄。念同年會奠座主夫人。有金五十寄橐中。可借。遂強客售之。挾以行。舟中展視。柳誠懸跋尾。政三月十日也。去余日僅一昔耳。甚奇之。因書以紀歲月。客有謂余曰。大令十字而費五十金。且十損五六。即完好當奈何。余笑應之曰。幸不完好。乃得歸余。不然。倒

索中無足酬。徒一目後。他人有之矣。清和湖  
日吳郡王世懸書於寶應湖舟中。鈴印三王  
敬美氏塏東居士此公醒而狂。  
往在恭僖齋頭閱二王書計九卷。當時但賞  
素生帖謂完好。不知素生瓦全。何如送梨王  
碑計吏舟中。案牘如山。不謂獲此殘楮。捐五  
十千。又假之他人所。人言王郎癡。信然。庚辰  
首夏六日。王穉登題鈴印一登。  
王右軍帖雖多。大令則惟此耳。況有柳誠懸  
文與可二跋。真可寶也。萬曆庚辰四月。文嘉  
鈴印一。擊錫子以嘉名。  
敬美弟自燕中歸。得大令此卷。後有柳誠懸  
文與可二跋。考誠懸跋蓋併右軍思言叙平  
何期但有長數念告十二字。俱誤以為大令  
故有劒合延平。珠還合浦語。宋元章鑒定之  
遂析為二卷。而蘇子瞻所題家雖野鷺同登

俎春蚓秋蛇總入奄君家兩行十二字氣壓  
鄒侯十萬籤蓋右軍思言帖尾也元章左袒  
大令故不謂為然而誠懸跋後細題又一帖  
十二字連之語皆為元章所削去恐後覽者  
以誠懸跋語致疑備記於此若大令筆雖稍  
有剝蝕而存者猶自煜煜射人眉睫間元章  
所稱天真爛熳故不虛也誠懸結構淳古生  
平鋒鏘欽虛隱然有羹牆思吾弟其善有之  
庚辰初夏王世貞題鈴印二五湖長王世貞  
印

庚辰閏四月三日嘉定殷都無美新都汪道  
貫仲淹同觀

子敬後幾百年而為柳誠懸誠懸後又幾百  
年而為文與可前者紙渝故當墨敝後者筆  
近乃宜色鮮然而墨色濃淡文不及柳柳不  
及王前後幾如倒置乃知古今人不相及非

獨用筆。用墨亦然。仲將之墨。一點如漆。吾不  
得而見之矣。幸有子敬片楮在。持是以觀。凡  
稱右軍真蹟。墨瀟昏淡者。皆贗品也。年已三  
月晦日。世懋又題於長安官舍。鈐印三世懋  
敬美。  
大令法書真蹟。平生希覯。此帖傳世如靈光  
獨存。遂入次公敬美先生手。又柳誠懸題筆  
具在。信奇物也。元章每見二王墨妙。必傾囊  
購取。次公之癖。寧減古人哉。莫雲卿敬觀并  
題。鈐印三。雲卿廷韓父。  
萬曆八年仲秋十有二日。玉山程應魁在豫  
章拜觀。鈐印一口。福之印。  
是年八月廿八日。於麟洲老師衙齋。獲觀此  
帖。敬識。以為奇。遶看景鳳。鈐印一景鳳。  
程君題後二十日。過心遠堂。觀右軍送梨帖。  
楮墨間鑒是真迹。無論其書法也。時與友人

周恭先曹昌先同觀大令誤作右軍周天球  
記鈴印二六止居士周公瑕氏  
萬厯癸未秋九月生明汪道昆觀汪道會同  
家兄拜觀鈴印二汪道昆印汪白王氏  
萬厯甲申中秋沛朱多炆鄧季維楨觀  
萬厯丙戌春日沔陽陳文燭吳江顧大典同  
觀鈴印三顧大典印顧道行雲蘿館

題籤

御筆。王獻之送梨帖真蹟。神品上 鈴寶二。御賞

乾隆宸翰。

鑒藏寶璽

八璽全

樂壽堂鑑藏寶。五福五代堂寶八

徵孝念之寶。吟詠春風裏。

收傳印記。董史秘玩。廣川之後。半尚口。徐儉私印。晉陽寶帖。公氏家藏。軍假司馬郎邪王敬美氏收藏。圖書御題。據德堂世懋。又半印一不可辨。式古堂書畫。式古堂書畫印。式古堂翰墨林。書畫章。翰墨林鑒定章。御題圖書府。御題翰墨林。令之清玩。卞永譽印。卞令之鑒定。翰墨林雅玩記。圖書府鑒定印。圖書府

鑒定章仕客卞子永譽之印令之

謹按此帖見宣和書譜米芾寶章待訪錄陳  
騷中興館閣續錄近代王氏滄園書品汪氏  
珊瑚網陳氏秘笈董氏容臺集張氏清河書  
畫舫卞氏書畫彙考皆載之政中殷都字無  
美嘉定人官南刑部郎中汪道昆字伯玉歙  
縣人嘉靖丁未進士歷官兵部左侍郎道貫  
字仲淹道會字仲嘉皆道昆弟朱多炆字貞  
吉弋陽王孫封奉國將軍陳文燭字玉叔汙  
陽人嘉靖乙丑進士南大理寺卿王世懋  
所稱朱恭僖家物蓋朱希孝謚忠僖當時所  
稱賞鑑家者也筆誤作恭僖

梁武帝異趣帖 一卷

〔本幅〕白麻紙本。縱七寸九分。橫二寸二分。草書。愛業愈深。一念修怨。永墮異趣。君不兩側。

接黃絕左

御題楷書釋文。鈐寶三。乾隆幾暇臨池。標絹御題行書。

是卷十四字。沖澹蕭散。得晉人神趣。歷代官帖未經收入。是以嗜古博辨之士。及鑑藏家。舉未

論及董香光始以刻之戲鴻堂帖中。定為梁武帝書。而鬱岡王氏則謂是大令得意筆。要亦未有確證。第以脚氣帖驗之。則董說為長。矧其為書家董狐。不妄許可者耶。今墨蹟傳入內府。展閱一再。覺江左風流。上與三希相輝映。他日倘并得脚氣帖真本。當共為一室貯之。乾隆庚午嘉平廿有六日。御識。鈐寶三。天府珍藏。幾暇鑑賞之。墨落紙雲烟。

後幅前人題跋

此帖前後不全當是子敬得意書或者見其  
作釋氏語遂以為梁武帝書蓋何陋也肯堂  
題時萬歷丙午冬仲十有四日鈐印一王肯  
堂印

大令書法外拓而散朗多姿此帖非大令不  
能辦彼恐一念墮於異趣而書法又深含奇  
趣耳太原王野題鈐印一王野之印  
梁武帝異趣帖全學大令書法自隋唐迄宋  
元流落民間未登天府故無秘殿收藏璽印  
萬歷初藏韓存良太史家董元宰刻石戲鴻  
堂中以冠歷代帝王法書之首至是而千秋  
墨寶始烜赫天壤間矣其後王宇泰諸名公  
改題為子敬真蹟蓋欲推而上之然審淳化  
閣拓本武帝脚氣帖正與此筆意相類似不

必遠托晉賢方為貴重。况文敏精鑒博識。定有所據。故余仍改題從董云。康熙五十六年。歲在丁酉十月朔。華亭王頊齡謹識於京邸之畫舫齋。鈴印二。頊齡瑁璠。

鑒藏寶璽

八璽

樂壽堂鑑藏寶古希天子壽八徵

耄念之寶

收傳印記

御府羣玉

俱半印又半印三不可辨

汪某汪棠

之印充符。吳廷之印。王顯士書畫印。瑁湖珎

秘

謹按明張溥輯漢魏百三家於王大令集載其諸帖俱金亦不入異趣帖羣玉半印乃金

章宗羣王中秘墨也。王肯堂字宇泰金壇人官福建參政。王野字太古歙人著覺非齋詩囊餘藁是帖見悅生隨鈔南陽法書表真蹟日錄書畫彙考。

張僧繇夜月觀泉圖 一軸

本幅絹本。縱四尺九寸五分。橫二尺六寸。水墨畫雲山松樹。石壁飛泉。兩人並肩仰眺。無名款。上有宣和書。唐張僧繇夜月觀泉圖。

御題行書。

梁蹟而今片羽稀。識真幸藉瘦金揮。有雲有月  
幻晴晦。一主一賓。泯是非。輞水淪連光上下。瓊  
崖觀望趣精微。展頻不肯輕題句。擬議艱知變。

化機。已丑仲春月中泚御題鈴寶二。乾隆  
僧繇此幀不自署款。因有宋徽宗標識而定第  
僧繇乃梁天監時人。距唐初尚百有餘載。安得  
屬之於唐。瘦金標題一誤。王鐸跋語遂從而再  
誤。因題什並訂而識之。御筆鈴寶二。幾暇怡  
情得佳趣。

上方王鐸題跋

張僧繇畫人間無二。丙戌正月西洛王鐸觀  
鈴印二王鐸之印烟潭漁叟

僧繇畫唐人中入神者。此幅夜月觀泉圖。宋徽宗手題。用宣和之寶。下芙蓉數畫。二鶴。茅屋書牀。二幽人觀泉於峭峯之間。二童自崖下來。一奉卷。一奉琴。松老龍鱗蒼苔。巖巖懸水溶溶。負雲而下。太虛若洗。斯真人世不易觀者也。當兵火鼎革。乾坤已毀。此圖獨存。凌抗造物而無絀傷。使非有神物守護。安得不燼滅耶。此時此物。雲霞道大。能不賢哉。社弟王鐸既題。復跋。鈐印二太傅王鐸紫圖山客。

下方臣工和章

畫宗也。說右軍稱全懷欣看。稱意揮琴鶴廢聲真籟出。月泉交影。色塵非流。傳天監誰司契。審定宣和自表微。鄭重含毫。詹詹什敢期。當下悟迎機。臣劉綸恭和鈐印二。臣綸。

名繪還同破壁稀。對泉想待七絃揮。江深草  
閣神相合。日出香鑪喻尚非。粉本秘來貽善  
果。毫光幻得勝探微。千秋  
真賞符澄照。水觀魚參指月機。臣于敬中恭和。鈴

印二。臣敏中敬書。

巖色蒼然林色稀。風絃不足手中揮。月懸一  
鏡衆山靜。泉落九天凡響非。永夜鶴眠神寂  
歷。絢秋花老影霏微。雪山紅樹雙清絕。

天藻

同參造化機。臣董邦達恭和。鈴印二。臣達

點晴妙技。世真稀。日送還憑手一揮。月色泉  
聲神脈脈。烟舒雲卷想非非。松濤暗答花溪  
遠。人影斜移鶴徑微。書在林時琴在抱。毫端

靜趣洽

吟機

臣王際華恭和。鈴印二。臣華

破壁靈踪絕世稀。雲泉月觀此觀揮。涼生一  
掬看全足。韻灑千尋聽未非。品格想同王逸

少衣冠知近陸探微古香不著芙蓉露聲色  
難參箇裏機。臣錢維城恭和。鈐印二。臣敬書。

題籤

御筆。張僧繇夜月觀泉圖。石渠鈐寶二神品乾

隆宸翰

鑒藏寶璽。八璽全樂壽堂鑒藏寶古希天子壽八徵

毫念之寶

收傳印記宣和之寶

謹按張彥遠名畫記載張僧繇吳中入天監  
中為武陵王國侍郎直秘閣知畫事歷右軍

將軍。吳興太守。姚最續畫品。亦載僧繇五代  
梁時吳興人。故畫品擬之顧陸。取其時代相  
遠。而閣立本于荊州。觀僧繇畫。初云猶是近  
代名手。後再觀十日。不能去。足徵非立本同  
時人也。即宣和畫譜。道釋門。亦列僧繇于梁  
代。何標題此軸。率爾操觚。王鐸遂因而沿誤。  
伏讀

御識。辨析時代。彌仰  
典學崇深矣。

展子虔遊春圖 一卷

〔本幅〕絹本。縱一尺三寸四分。橫二尺五寸一分。設色畫山水樓觀舟舸。桃柳人物無名款。御題行書。

柳暗花明。霽景霽。如茵陌上草萋萋。王孫底識春遊倦。剩得宣和六字題。軟勒平堤試驪驄。晴絲罥柳柳絲長。湖光山色天然句。不用奚童負錦囊。乾隆御題。鈐寶三。澂觀會心不遠德。

充符兩側接黃純。右宣和墨書。展子虔遊春圖。  
鈐雙龍方印。左無名氏題。

冰解泥融生水濶。初苑穠艷。未應殘。天桃噴  
火柳金嫩。深谷鶯啼聽。且看花影淡。梳燕粉  
媚。春暖野郊風。細細遊人醉。以天為幕。酩酊  
陰濃。春意被行來。樹下賓相參。瞑目無言心  
自慙。黃蝶逐風翻上下。賞花此處更停驂。洪  
武十年孟春。觀于奉天門。因和馮子振韻。

後隔水

御題

水隨筆底生波瀾。意著花鼓芳未闌。伊人妙解

寓法外。艷裔韶光正好看。韶光祇以物情媚更  
值景明與風細。遊人各盡憑賞豪。小步亦騎錦  
韉被。錦韉繡筵盤。差參開唐畫。祖誠無慙。聖湖  
厓畧頗相似。起予興在巡方騷。此韻為馮子  
振奉長公主命題畫者。又有洪武十年觀於奉  
天門。和子振韻而不書其為誰者。二詩均不足  
稱畫故用其韻題之。丙申孟春月中澣隨安室  
御識。鈐寶二乾隆。

後幅前人題跋

春倚吹鱗動輕瀾。枕蹊李徑。葩未殘。紅橋瘦影。迷遠近。緩勒卽面。何人看。高巖下谷。韶景媚。瑟瑟芳菲韻。纖細層青峻。碧草樹。騰昭野戲。能攤繡被。李唐歲月。脚底。春楊隋。能事筆不慙。東風晴陌。苔復穎。濃綠正。要君停驂。前集賢待制馮子振奉皇姊大長主命題。鈴印一怪怪道人。暖風吹浪生魚鱗。畫圖彷彿西湖春。錦鵲詩人兩相逐。碧山桃杏霞初勻。粉堦朱檻眼欲醉。垂楊淺試修蛾顰。人間別自有蓬島仙源之說。元非真危橋凌空。路欲轉。飛流直下烟迷津。畫船亦有詩興好。輝煌未必飛梁塵。兩翁隔水俯晴綠。韶光似酒融芳晨。望中白雲無變態。我欲乘風聽松濤。落花出洞世豈知。

瑶池池上春千載趙巖鈴印一秋猷  
東風一樣翠紅新綠水青山又可人料得春  
山更深處仙源初不限紅塵中書平章政事  
張珪敬題

展子虔筆世所罕見曾從館師韓宗伯所一  
寓目歲在庚午再見之朝廷世兄虎邱山樓  
敬識歲月董其昌鈴印一董其昌印

題籤

御筆。展子虔遊春圖。秘府珍鈴寶二御賞乾隆

宸翰

鑒藏寶璽

八璽全

樂壽堂鑑藏寶古希天子壽八徵

耄念之寶。几席有餘香。筆端造化。出有同春。妙  
意寫清快。半榻琴書。

牧傳印記御書

印政和宣龢宣和台州市房

務抵當庫記。悅生封皇姊圖書。張維芭印。張

維芭藏梁清標印。蕉林玉立氏圖書。河北棠

村珍祕子孫保之。蕉林鑑定蒼巖子觀其大

畧

謹按展子虔隋朝散大夫畫品入神大李將軍之師也。此春遊圖即貞觀公私畫史所載

長安車馬人物圖。見張丑清河書畫舫所謂  
十美具焉。為天下畫卷第一者。張璪功臣宏  
範之子。仁宗延祐二年。拜中書平章政事。趙  
巖字魯瞻。號秋巖。長沙人。周密雲烟過眼錄  
載。展子虔春遊圖。徽宗題。胡存齋詠所藏。又  
見秘篋書畫表。又見書畫彙考題識。俱同。



隋人書史岑出師頌 一卷

本幅白麻紙本。縱六寸六分。橫九寸二分。章  
草書。史岑出師頌。茫茫上天。降祚有漢。作  
基開業。人神攸讚。五曜霄映。素靈夜歎。皇運  
未授。萬寶增煥。歷紀十二。天命中易。西戎不  
順。東夷遘逆。乃命上將。授以雄戟。桓桓上將。  
實天所啟。允文允武。明詩閱禮。憲章百揆。為  
世作楷。昔在孟津。惟師尚父。素旄一麾。渾一

區寓蒼生更始朔風變楚薄伐獫狁至于太  
原詩人歌之猶歎其艱况口將軍窮域極邊  
鼓無停響旗不雙褰澤沾遐荒功名鼎鉉我  
出我師于彼西疆天子餞我路車采黃言念  
伯舅恩深渭陽介珪既削裂壤酬勲今我將  
軍啟土上郡傳子傳孫顯顯令聞史孝山  
引首晉墨書又押鈴印一御府圖書

御題行書

此卷為石渠寶笈續入上等。曩曾題識摹刻三希堂帖中。今復得一卷。與此正同。而墨氣筆意似出雙鉤。第跋字較此又似稍佳。因定彼為次。等至閣帖。雖有索靖章草。並非出師。頃茲以暇臨摹。乃知前此識語之誤。因并記之。 癸巳仲秋上澣。御識。鈴寶二。比德朗潤。

後隔水

御題

史孝山出師頌見閣帖中者或謂索靖書或且  
謂蕭子雲書皆作章草此卷米元暉定為隋賢  
當以其淳古有意外趣去幼安未遠唐人即高  
至虞褚未免束于繩檢故不辨此耳 戊辰立  
夏日御題鈐寶二乾隆

後幅前人題跋

右出師頌前賢書紹興九年四月七日臣米  
友仁審定

右後漢史岑孝山出師頌米友仁審定隋賢  
書米元暉書史載錢總房下有史孝山出師

頌題作蕭子雲亦奇古宣和書譜有索靖章  
草四帖內有出師頌三家評論不同校以文  
選攸讀作贊西戎作零區寓作宇鼎鉉作鉉  
窮域作域令開作間言戎則所該者廣言零  
則一小戎耳城字誤無疑餘皆通用况我將  
軍此書脫我字前後印文十三可辨者唐太  
平公主書舊書印一宰相王涯永存珍秘一趙  
國公鍾紹京書印一半宋朝內府印三餘未  
詳法書苑索靖字幼安張芝之孫官至  
征南司馬草書絕代傳芝草而形異其矜其  
書名其字曰銀鉤蠶尾武帝愛之時衛瓘索  
靖善草書王平南真曾得靖書七月廿六日  
書一紙每寶玩之迨永嘉亂乃四疊綴衣  
中以渡江今蒲州永泉令巨盛器得之豈迹  
猶在靖草書入神品按閣帖作征西司馬  
末昂古今書評索靖如飄風忽舉驚鳥乍飛

法書論衛瓘索靖俱效于張亦各得其妙  
識者以為衛得伯英之筋索得伯英之骨肉  
宣和書譜歐陽詢見靖碑初過而不問徐  
視乃得之卧碑下不忍去法書苑亦云初唾  
之而去後復觀玩無已于是鍾繇卧于其下  
三日方去按文選注有兩史本一字子孝莽  
末人一字孝山後漢人永初元年滇零鐘羌  
寇掠詔鄧騭屯漢陽二年拜騭大將軍出師  
頌所由作也宣和書譜定為晉索莊侯書意  
元康中西戎畔拜靖大將軍梁王彤左司馬  
時歟冀西平襄之役無足稱者侯書是頌也  
託以寓規邪借以歸美邪書有伯英風象侯  
張彌甥也度江前作草書謂之結字部位曲  
折頓宕嚴整六朝間祖東晉章草法廢謂蕭  
子雲隋賢者似不然子嘗見侯急就筆及帖  
中七月廿六日書書譜所定近是侯自司馬

累加散騎常侍後將軍游擊將軍追贈太常  
又贈司空進封安樂亭侯諡忠貞間帖書諸猶  
孫司馬傳寫之誤又謂征西為征南侯嘗作  
草書故妙于體物蓋所得意云導江張頌達  
善鈴印二張達善張頌審定

題籤

御筆。隋人書史岑出師頌。內府審定鈴寶一乾隆

宸翰

鑒藏寶璽

八璽

樂壽堂鑑藏寶古希天子五福五

代堂寶壽八徵耄念之寶

收傳印記 太平公主蕃書印永存珍祕約紹

興內府秘書之印劉完私印劉中守氏歷代

所寶兼笠軒印書印物印軒印山牧印監書

畫博士印郎邪王敬美氏收藏圖書又二印

不可辨

謹按是帖刻入

三希堂帖亦見星鳳樓戲鴻堂二帖曾藏王世

貞馬雅樓其會州續葉有跋云家弟敬美得

一卷謂是紹興所入者勝于宣和所藏尋其

所載印記即此本也持猶以為索靖書後人

以與米友仁所定不同復裁去耳引荀晉墨

小篆云以押字考之乃宋高宗筆見周家癸  
辛雜志張頭字達善元學江人僑寓江左至  
元中行臺中丞吳景慶延至江寧學宮遠近  
翕然尊師之曰導江先生有經說文集行于  
世所考証卷中十三印多缺去惟太平公主  
印一宋內府印三王涯印一書半印尚存太  
平公主四字印見徐浩古蹟記永存璠秘王  
涯印也又約字印乃唐李約也見張謙德清  
秘藏

虞世南積時帖 一卷

本幅素牋本。縱八寸四分。橫一尺六寸。行草書。積時傾心。非翰墨所具。歲陰寒重。願恒清約。政事之暇。故有賞心。世南衰羸日甚。但有困劣。未近展接。增其潛泣。深敬明德。信便願霑數字。慰其延首。賢子兵曹。具見朽弊。不陳萬一。虞世南呈。十二月廿五日。若有新製。願能示。

前隔水虞伯施積時帖

無題人名

後隔水前人題跋

此卷或疑米臨然其所筆處特為瘦勁米書以態勝不辨此也王元美家有虞永興汝南公主墓志客亦有謂米臨者元美自題曰果爾則買王得羊於顧足矣此帖則當出其右具眼者自能識取董其昌借觀因題戊戌長生口也

後幅吳廷刻餘清齋帖搨本董其昌跋

見楊

明時跋吳廷跋王肯堂刻鬱岡齋帖搨本劉

綸奉

# 勒恭跋

虞永興積時帖。當時已有雙鉤摹本行於世。米南宮嘗于孝熙處借摹之。其貴重可知矣。永興受書於永師。故其立意沈粹。筆勢勁快。可與右軍爭後先。評者謂其若登太華百盤九折委曲而入杳冥。觀此帖良似。與彼行行者欲同日而語之也。惡于可用。卿其寶之。楊明時志印二。楊明時印。不弄。唐去晉未遠。而晉唐字蹟傳流皆賴石搨。今石搨已寥寥難得。況真蹟哉。余所藏真蹟皆摹刻餘清泰帖中。真蹟實不能字散落詒好事家久矣。積時帖為汝南王氏所得。忽忽若失。庚戌歲復過王氏青箱館。又從見之。不覺神醉。遂傾囊贖歸。往見虞書規矩嚴密。獨此卷縱而逸。大有晉人風度。宜同晉帖寶之餘。

清齋主人吳廷議印三餘清齋圖書印吳廷

之印用卿謹按唐虞世南積時帖。一刻於金壇王氏。繫  
同齋一刺于歙縣吳氏。餘清齋今以墨蹟原  
本覈之餘。清齋所刻。不惟所筆起伏迴旋處  
處宛肖印紙素霽脫。蛀蠹纖痕。無不昭合。董  
其昌所以定為真蹟。並述米臨虞法。可以擬  
似者。但吳氏刻帖時。皆楊明時鈎摹入石。則  
真蹟卷後。應有楊明時及吳廷兩跋。不知何  
時失去。獨綾格內董跋尚完好無缺。至鬻同  
齋本。字畫雖無謬舛。而精采殊減。兼之圖記  
不全。頓首又少小楷題字一行。帖中見字翻  
鈎處。比墨蹟筆勢較短。當是別從刻本轉摹  
逆與真蹟一間。茲卷後彙裝揭本。譬諸用鑑  
印影。妍媸更無遁云。乾隆癸未嘉平。臣劉綸  
奉

初恭踐鈴印二臣劉綸

鑒藏寶璽

八璽

樂壽堂鑑藏寶古希天子壽八徵

老念之寶

收傳印記

司印

半印

紹興楚國米芾王延庚印

叔章吳廷餘清齋圖書印吳廷書印不弄江

村珍藏印

半印

謹按此蹟宋時已列入星鳳樓帖視餘清齋  
周兩榻前四百餘年尚無蠹脫此宋刻所以  
可貴也諸跋俱未引亦見寶章待訪錄云在  
洛陽李熙處余借撫石今無其刻本



閻立本畫孔子弟子像 一卷

〔本幅〕絹本。縱九寸八分。橫二丈八尺。設色畫孔子弟子立像五十九人。無名款。中第四人。

御識。似公孫龍。鈐寶二。乾隆第十人。

御識。似子路。鈐寶二。古希天子。猶日孜孜。

〔引首〕

御筆。杏壇遺範。鈐寶一。古希天子。

〔後幅〕臣工題跋。

欽賜大學士

臣溥謹按古古畫一卷題簽問立本歷代將  
相圖人凡五十九鬚眉生動古澤盎然卷端  
有印記三行云。順治三年七月初二日  
學士臣宗權恭記。前後有其子吏部尚書宗  
華私印七。後又鈐官印二。臣展卷諦閱絹素  
雖稍剝落而通體人物用筆處圓勁雄渾神  
采完好衣褶自然與職貢圖筆法相類。考畫  
譜立本人物多立像題為立本真蹟未為無  
據。但所畫冠裳俱屬一時制度非歷代將相  
無疑。其服飾似兩漢以前結束。惟圖指意  
所在莫由懸揣。要之非五代兩宋諸家所能  
彷彿也。夫有疑則闕事從其實。今擬改題云  
問立本古賢圖。似為得之。按立本為唐太宗  
時人。閱今千有餘年。片羽流傳信可寶貴。且  
是卷舊藏

內府。自順治丙戌。

特賜宗權。迄今百十有二年。其後人轉鬻他所。臣始

購獲之。復得仰邀

御鑒

秘笈。神物之去來。若有呵護之者。良非偶然云。

時乾隆二十有二年歲次丁丑嘉平

經筵

講官太子少保。賜朝大學士。戶部尚書。兼翰林院掌院學士。臣蔣溥敬識。鈐印二。臣蔣溥

上朝梁繪

臣等謹按畫家以圖像為最古。容狀出於想

像。而衣冠制度確有明徵。此圖舊題周立本

歷代將相圖。衣冠固不宜同制。即蔣溥跋改

題古賢圖。亦無指實。考圖中寫五十九人。衣

皆深衣。冠或為委貌。或為緡布冠。履為絢為

纓。皆寫周制。証之品崇義三禮圖。無不印合。

其為周時人無疑。考王。漢文翁始圖七十

二賢於禮殿。後唐之武德。開元。宋之明道。

皆畫像廟壁。周立本乃武德時人。或當時所  
創。葉本至其人。數凡五十九。諸書稱孔子七  
十二弟子。而家語史記所紀不同。又翁圖乃  
七十七人。數原弗定。此卷絹素陳朽。又無名  
款。或間十數人。更徵年代之久也。內第十人  
危冠仗劍。氣象剛果。

聖訓定為子路。仰徵  
睿審精審。其第四人。於五十九人中。年貌最少者。

諸賢惟公孫龍少。夫子五十三歲。及門時祇  
十餘歲。則此像自係公孫子石也。謹請改畫  
。立本畫孔子弟子像。篆題並識。如右。乾隆  
丁未。新正。臣王杰。臣曹文植。臣彭元瑞。臣董  
誥恭跋。鈐印二。臣誥。

鑒藏寶璽

八璽

樂壽堂鑒藏寶古希天子五福五

代堂古稀天子寶。壽八徵老念之寶。筆花春雨  
天地為師。凡有同春。觀書為樂。學鏡千古。

收傳印記。順治三年七月初二日。

欽賜大學士臣宗權恭記。商邱金石書畫印。宗權私  
印。經公。宋華私印。牧仲。江南江寧蘇松常鎮  
淮揚徐八府州承宣布政使司印。巡撫江西  
地方兼理軍務關防。緯蕭草堂畫記。子子孫  
孫其永寶用。商邱宋華書。畫府印。寶軸時開。

心一灑

問立本竹林五君圖 一軸

本幅絹本。縱四尺二寸七分。橫二尺三寸三分。設色畫。據案欲書者一人。左坐觀者一人。右一人坐。迴睇與樹下坐者相問答。皆執卷倚杖來者一人。侍者四。几置壺帙。庭石覆絨坐。款問立本畫。

御題行書

在七去二詠延年。將謂瓶圖惟屬錢。右相丹青

忽逢此吳興。結構那饒前。執籌王氏誠。牟利啓  
事山公乃進賢。棄取其間非當也。精神箇裏總  
軒然。衣冠猶見典午代。風日應為春暮天。却看  
五君無酒氣。想緣深意戒賓筵。甲午仲夏御  
題。鈴寶二。會心不遠。得佳趣。

玉池

御筆 藝絕神全 鈴寶一 乾隆御筆

鑒藏寶璽

金 璽

古希天子壽。八徵耄念之寶。

收傳印記王印

二字不可辨

王用臣家寶印

口劉錫山鄒氏

11

孫虔禮草書千文 一卷

本幅白麻紙本。縱八寸五分。橫一丈一尺三

寸。草書。

見北清官所藏陳淳書千文卷。

自歲字至承字缺

百五字。欸過庭。

箭隔水

御題。行書。

千字全提五合精。非過庭蹟。問誰誠。香光法眼。稱懷素不向如來行處行。辛亥清和月。御題。

鈴寶二八徵老念自強不息

後幅前人題跋

永豐歐陽修

筆勢精麗真墨寶也殊可愛可愛牛翁書

桐江吳哲錢塘吳說後觀於開府郡王齋因

紹興癸丑長至後一日

筆墨一時如雨龍蛇千古似飛展卷而窓相

對朗然月皎星輝陸行直鈴印一敘和齋

唐人書都不款如褚之哀丹虞之汝南公主

誌徐浩之道德經皆爾此卷尾過庭二字亦

類續見第洲字民字亦不避諱而字形筆法

亦在虔禮之上豈懷素書耶世外之人當不

知有國諱耳董其昌題鈴印一董其昌

孫虔禮千文真蹟吳審叔所藏首有乾卦圖

印。宋禁中物。中供趙魏國大雅二字鈐。又有江表黃琳等印。蓋皆叔藏家。虞禮書法有名於唐。所傳千文書譜。石刻而已。今觀千文真跡。出入規矩。姿態橫生。如蛟龍之不可方物。似從右軍大令換骨來。視宋元人遠隔秋水三千矣。而孔懷二字倒。切唐下缺。至承字桓公。匡合。桓字作齊。余素不善草。魏未嘗學三復此卷。見其筆勢飛動。有游及弄丸之妙。不覺心折。書譜真蹟。倘在天壤間。又不知終能寓目不。寒叔名士。謬友人。康虞之子。萬厯乙巳夏四月。笑望寓溪南。吳氏翠帶樓書。楮李馮夢禎開之。甫鈐印三。真賞齋開之。馮夢禎印。

題籤

御筆。孫虔禮草書千文。天府鑒定真蹟鈴寶三。天府珍

藏。乾隆御賞。稽古右文之璽。

鑒藏寶璽

八璽

樂壽堂鑑藏寶。凡有同春。

收傳印記。乾卦印。啟和之寶。王升印章。大雅

李士行印。黃琳美之。江表黃琳美之。休伯。吳


太。新宇。吳希元印。元嗣。長吉甫。謹封。世祿。羣

雅齋書畫記。米萬鍾印。書畫船。僊客。永譽。式

古堂書畫。令之。卞永譽印。仙客。卞氏令之。式

古堂令之氏又一印不可辨

謹按此蹟見  
墨妙軒帖李士行字遵道元集賢院大學士衍  
之于馮夢禎跋見所著快雪堂集



李昭道洛陽樓圖 一軸

本幅絹本。縱一尺一寸五分。橫一尺二寸。界畫屋宇重疊。喬松流水。石橋平坡。舟或艤或渡。人物細入絲粟。款李昭道。

御題行書。

丹青盈尺較縱橫。妙寫高樓擅洛京。跋馬垂鞭值休暇。漾舟近岸有逢迎。將軍自是超凡繪。宗伯猶疑著定評。風物盛唐傳彷彿。幾回感慨託

治情 乙未仲春御題鈴寶一乾隆宸翰

上方前人題跋

曩從京師見唐小李將軍畫洛陽樓圖縱橫  
盈尺其中樓閣交互臺榭參差朱簾繡幕掩  
映深秀人物山川皆細如髮方寸之間極江  
雲變化之致向有宋元章賈秋壑趙文敏吳  
文定諸公題跋及珎藏圖章其為真跡無疑  
今歸藏於項墨林家而諸公印識悉失想流  
傳有所脫落或為裱工裁去皆不可知然數  
百年之物兵燹之餘而全圖尚在非神物幾  
特焉能至此墨林其實諸公丑九月其昌題  
鈴印二董其昌宗伯學士

下方

御識。

是幀界畫整嚴中。氣韻復極流動。且尺幅而具  
千里之勢。絹素甚舊。即以屬之小李將軍。固無  
不可。惟詩堂董其昌題字。筆力太弱。不類香光  
他書。所云曩見是圖。有賈秋壑米元章趙文敏  
吳文定諸公題跋。及珎藏圖章。今歸項墨林家。  
而諸公印識悉失云云。既有諸人題跋。則當是  
手卷而非長幅。其改裱又係何時。藉如所云曾

歸項元汴何以幅中不見有項氏收藏諸圖記  
且董云諸公印識悉失何以幀右下方秋聲二  
字印究在其昌非昧於精覈者既欲品題不應  
粗率若此蓋畫幅本是舊物庸手贗作董跋以  
冀鑒賞有據并幅中署款亦係妄添不知畫果  
真即無款何妨而碣碣之混則不可不辨既以  
成詩並識於此

臣于敏中奉

勅敬書鈐印二臣于敏中依光日月

玉池

御筆。自足千古。鈐寶一。乾隆御筆。

鑒藏寶璽。八重樂壽堂鑒藏寶。古希天子壽八徵。

老念之寶。

收傳印記。秋聲入骨髓。子子孫孫永保之。俊逸參軍。又三印不可辨。

謹按古詩謀洛中即有雙閣百餘尺之句洛陽知不足記大夏門高祖世宗造三層樓去地二十丈洛陽城門樓皆兩重去地百尺惟大夏門費棟干雲王昌齡詩南渡洛陽津西望

十二陵唐以洛陽為東都樓櫓其勝故播之  
圖書耳

李昭道仙島遊觀圖 一軸

本幅絹本縱四尺三寸五分橫二尺五寸界  
畫重檐飛閣平湖繡嶺畫船遊騎皆細入絲  
髮無名款

御題行書

瓊樓瑤島似仙山。俠客又如遊市寰。但使筆起  
塵世外。當呼境在閭蓬間。敲碁酌酒多豪興。榮  
騎浮船各適閒。不是淞洲經鑒定。將軍妙蹟向

誰贊 癸巳仲春御題鈴寶一乾隆宸翰

玉池

御筆 雲嵐髣像 鈴寶一乾隆御筆

題簽唐小李將軍仙島遊觀圖 淞洲鑒定

玉裝

池右

鑒藏寶璽

八  
五

樂壽堂鑒藏寶五福五代堂古稀

天子寶八徵耄念之寶

陳闕畫八公像一卷

〔本幅〕絹本縱八寸橫二尺五寸設色人物左

右相向前缺二人第三題名王儉第五題崔

宏第六題高顯第七題長孫嵩第八題羅結

〔後幅〕前人并臣工題跋

右唐陳闕畫八公像用筆設色衣冠珮帶與後時不同信乎其為唐筆也按宣和畫譜闕字中闕當蒙召入內閣寫御容稱奇後又寫肅宗像皆極神妙時韓幹亦善畫上謂其無闕法因令師之其崇重如此惟八公像不審所謂而羅結長孫嵩崔宏高顯皆北魏名人神

瑞初。詔宏與南平公高等。坐止車門右。聽理  
機事。世號八公。宜唐時尚有其像。閣得而摹  
建之耶。今唐像傳世絕少。余所見者。惟秦叔  
寶像及此耳。此志前後鉅。有宣政小璽。蓋  
是祕府之物也。萬厯己卯仲夏七日。茂苑文  
嘉題鈴印。一。錫子以嘉名。  
陳明與閻立本。齊名為諱。幹帥。茲所圖八公  
像。筆意古勁。神氣赫奕。南知唐人筆自是與  
晚近迥別。休承以八像為北魏名人。果爾不  
應以高為薦。以類為類。且齊公策勳隋初。非  
北魏也。推此則王儉亦非文憲可知。或以為  
開皇八柱。則名亦不合。惟不審所謂云云。  
則誠哉是言矣。大都具素。擬嚴介甫。似像一  
時名將。豈當時有若圖麒麟圖雲臺者。而以  
此為之稿本耶。賞鑒家但當以商虞周易視  
之。不必考盤銘于成湯。稽石鼓于宣王也。萬

歷丙申初夏。長洲張鳳翼題。鈐印二。長洲張  
鳳儀伯起章。身齊逸民名。綴下士。  
臣等謹按。北魏明元帝即位初。詔南平公長  
孫嵩。山陽侯奚斤。北新侯安同。白馬侯崔宏  
等八人。生止車門右。聽理萬幾。故世號八公。  
事見北史。長孫嵩傳。資治通鑑載元城侯拓  
跋屈。預于八人之列。八公名字可考者。僅此  
五人。其三人則偏殿。北史魏書通鑑諸籍皆  
無之。此圖為開元時陳閔所繪。神采衣紋。絹  
色傳采。皆古穆渾厚。信是唐蹟。不知何時為  
不學者標名。有羅結王儉高穎等。按羅結傳  
稱一百七歲。領三十六曹事而已。未聞其列  
於八公也。而王儉南齊文臣。高穎開皇佐命。  
時代相去數十年。且百數十年。又訛嵩為高  
穎。為穎。其謬更不待辨矣。信又嘉跋。能知止  
車門事。而訛高穎為魏人。張鳳翼跋駁之。而

皇上  
際以崔宏為名將。皆南莽失考之過耳。

命詳  
考史傳。具識于後。足以見古人宸重問。傢為

其與史事相表裏。蓋皆有關於政治學問云。

臣王杰  
臣董誥  
臣金士松  
臣良沈  
臣初臣彭  
臣元瑞

鑑藏寶璽

八  
樂壽堂鑑藏寶

收傳印記政餘懷德堂司禮太監黃賜圖書

崇村審定蕉林蕉林秘玩觀其大畧

僧懷素自叙真蹟一卷

〔本幅〕白麻紙本。縱一尺。橫二丈三尺四寸。草書。懷素家長沙。幼而事佛。經禪之暇。頗好筆翰。然恨未能遠覩前人之奇跡。所見甚淺。遂擔笈杖錫。西遊上國。謁見當代名公。錯綜其事。遺編絕簡。往往遇之。豁然心胸。畧無疑滯。魚箋絹素。多所塵點。士大夫不以為在焉。顏刑部書家者流。精極筆法。水鏡之辨。許在

末行又以尚書司勳郎盧象昇宗伯張正言  
曾為歌詩故叙之曰開士懷素僧中之英氣  
概通疎性靈豁暢精心草聖積有歲時江嶺  
之間具名大著故吏部侍郎韋公陟觀其筆  
力最以有成今禮部侍郎張公謂賞其不羈  
引以遊處兼好事者同作歌以贊之動盈卷  
軸夫草稿之作起于漢代杜度崔瑗始以妙  
聞迨于伯英尤擅其美義獻茲降虞陸相承

口訣手授。以至于吳郡張旭長史。雖姿性顛  
逸。超絕古今。而模楷精法。詳特為真正真卿。  
早歲常接遊居。屢蒙激昂。教以筆法。資質劣  
弱。又嬰物務。不能懸習。迄以無成。追思一言。  
何可復得。忽見師作縱橫不羣。迅疾駭人。若  
還舊觀。向使師得親承善誘。函挹規模。則入  
室之賓。捨子奚適。嗟歎不足。聊書此以冠諸  
篇首。其後繼作不絕。溢乎箱篋。其述形似。則

有張禮部云。奔蛇走虺勢入座。驟雨旋風聲。  
滿堂盧員外云。初疑輕烟澹古松。又似山開  
萬仞峯。王永洲邕曰。寒猿飲水撼枯藤。壯士  
拔山伸勁鐵。朱處士遙云。筆下唯看激電流。  
字成只畏盤龍走。叙機格則有李御史舟云。  
昔張旭之作也。時人謂之張顛。今懷素之為  
也。余竇謂之狂僧。以狂繼顛。誰曰不可。張公  
又云。稽山賀老粗知名。吳郡張顛曾不易。許

御史瑤云志在新奇無定則古瘦灘驪半無  
墨醉來信手兩三行醒後却書書不得戴御  
史叔倫云心手相師勢轉奇詭形恠狀翻合  
宜人人欲問此中妙懷素自言初不知語疾  
逸則有實御史異云粉壁長廊數十間興來  
小豁胸中氣忽然絕叫三五聲滿壁縱橫千  
萬字戴公又云馳毫驟墨列奔駟滿座失聲  
看不及目愚劣則有從父司勳員外郎吳興

錢起詩云。遠錫無前侶。孤雲寄太虛。任來輕  
世界。醉裏得真如。皆辭旨激切。理識元奧。固  
非虛蕩之所敢當。徒增愧畏耳。時大厯丁巳  
冬十月廿有八日。有宋蘇耆李建中題名。南  
唐重裝名識。

御題行書

藏真草書。豪邁中有淳穆之氣。此其所以神也。  
卷中古色盎然。杜衍蘇轍諸跋尤勝。唐宗人真。

蹟殊不多得。可不寶諸。乾隆戊辰仲夏御識。

鈴寶二。得佳趣。幾暇怡情。

大中祥符三年九月五日。前進士蘇耆題。鈴

印一。蘇耆

四年嘉平月十八日。直集賢院李建中看

畢題。

昇元四年二月日。文房副使銀青光祿大夫

兼御史中丞臣邵周重裝。

崇英殿副使知崇英院事兼文房官檢校工

部尚書臣王。題。

引首藏真自序。集鈴印二。李東陽印。長沙。

前隔水。

御題。

自叙曾聞世有三。丹陽里巷艷叢談。張顛元奘  
多傾服。草聖禪機青出藍。雲中龍爪不模糊。  
妙法曾經悟擔夫。豪宕精神枯淡志。恍看李氏  
醉僧圖。乾隆御題。鈴寶二。幾暇怡情得佳趣。

後幅前人題跋。

題懷素自叙卷後。狂僧草聖繼張顛。卷後兼  
題大應年。堪與儒門為主賓。武功家世久相  
傳。太子太師致仕杜衍記。時至和甲午中夏。  
在南都。

草書有妙理。惟懷素為得之。元豐六年十一月廿五日。蔣之奇書。

世傳懷素書。未有若此完者。紹興三年三月。予謫居高安。前新昌宰邱君。出以相示。予雖知其奇。然不能盡識其妙。予兄和仲。特善行草。時亦謫惠州。恨不令一見也。眉山蘇軾同叔記。鈴印一。子也。

崇寧二年十二月十五日。觀邱純。

辨老方艱難時。流離時。徒江湖間。猶能致意于此。可見志尚。又荻觀伯考少師品題。併以嘉歎。紹興二年仲春廿三日。陽羨蔣璠藏真自叙。世傳有三。一在蜀中石陽休家。黃魯直以魚牋臨數本者。是也。一在馮當世家。後歸上方。一在蘇子美家。此本是也。元祐庚午。蘇液携至東都。與米元章觀于天清寺。舊有元章尺牘。道祖劉巨濟諸公題識。皆不侵。

見蘇黃門題字乃在八年之後遂昌節軍親  
是與家諸孫則蘇氏皆丹楊里巷也今歸呂  
辨老辨老父子皆喜學書故于兵火之間能  
終有之紹興二年三月癸巳空青老人曾行

公卷題

藏真草聖所聞多矣未有如自叙之精妙筆  
法走龍蛇悉具于此壬子閏夏五日保之行  
父景晉司觀

今時夏日與劉延仲呂辨老過都統太尉王  
公觀法書名畫如行山陰道上映照人目殆  
不可言遂知兵火之餘珍奇多大莫此若也  
因見辨老素師自叙一洗累年胸中塵土是  
真幸會紹興二年五月十二日趙令時德麟  
題

辨老藏像素自叙後有先人題字蓋紹興三  
年謫居高安時為邵叶禧仲書也不知流傳

幾家。以至于辨老。紹興癸丑三月九日。遲觀  
於婺女馬軍橋潘氏之第。

紹興癸丑三月廿七日。洛陽富直柔觀  
素師自叙。初為南唐李氏物。歷蘇邵呂三氏。  
流傳轉徙。又不知幾家。今為宮傅謙齋先生  
徐公所藏。寬聞昔黃山谷作宅蘇長公從旁  
贊之。錢穆父云。惜不見懷素自叙。長公不以  
為然。後山谷獲見之。始深歎服。而書遂進。今  
卷後云。藏於蜀中石楊休家。以魚牋臨數本  
者是也。願演題字時。尚恨其兄不一見。願寬  
何人乃得預此榮觀。賞玩之際。豈勝欣幸。及  
觀序內有擔笻杖錫。西游上國等語。知書雖  
學之一節。欲造微處。其精勁若此。則學之大  
於此者。可以小得而自足乎。然則予之欣幸  
又不在此。驚蛇走虺。驟雨旋風。閭而已也。宏  
治六年七月。既望。長洲吳寬題。鈐印一古太

史氏

懷素內叙帖。本蘇舜欽家物。前六行乃舜欽所補。見於書譜。而此表正合。其為真跡無疑。然具眼者觀之。固不待此也。舊間秘閣有石本。今不及見。見此卷於少師謙齋徐公者。再任復披玩。不能釋手。敬識而歸之。宏治十一年九月三日。長沙李東陽鈴印三。長沙賓之。

藏真書。如散僧入聖。雖狂怪怒張。而求其點畫波發。有不合於軌範者。蓋解東坡謂如没人操舟。初無意于濟否。是以覆却萬變。而舉止自若。其近于有道者耶。若此自叙帖。蓋無毫髮遺恨矣。曾空青跋語。謂世有三本。而此本為蘇子美所藏。余按米氏寶章待訪錄云。懷素自叙在蘇泌家。前一紙破碎不存。其父舜欽補之。入嘗見石刻有舜欽自題云。素師

自叙前紙療漬不可綴緝。書以補之。此帖前  
六行。紙墨微異。隱然有補處。而乃無此跋。不  
知何也。空青又云。馮當世本後歸上方。而石  
刻為內閣本。豈即馮氏所藏耶。又此帖有建  
業文房印。及昇元重裝歲月。是曾入南唐李  
氏。而黃長睿東觀餘論。有題唐通叟所藏自  
叙。亦云南唐集賢所蓄。則此帖又嘗屬唐氏。  
而長睿題字。乃亦不存。以是知轉徙淪失。不  
特朱薛劉三人而已。成化間。此帖藏荆門守  
江陰徐泰家。後歸徐文靖公。文靖歿。歸吳文  
肅。最後為陸冢宰所得。陸被禍。遂失所傳。往  
歲先師吳文定公嘗從荆門借臨一本。開示  
徵明曰。此獨得其形似耳。若見真蹟。不啻遠  
矣。蓋先師歿二十一年。始見真跡。回視臨本。已  
得十九。持非郭填。故不無小異耳。昔黃長睿  
謂古人搨書。如水月鏡像。必郭填乃佳。郭填

謂雙鉤墨填耳。余既獲觀真跡，遂用古法雙鉤入石。累數月始就。視吳本雖風神氣韻不逮，遠甚。而點畫形似無纖毫，不備庶幾不失其真也。長洲文徵明識。印二。文徵明印。徵仲石刻。嘉靖壬辰六月廿二日，長洲陸氏水鏡堂藏石。印二。陸修之印。子慎父印。章簡甫刻。石刻釋文。觀嘉靖壬辰夏五月望日。雁門文彭書于水鏡堂。印一。壽永氏。嘉靖庚寅孟冬，獲觀藏真自叙于陳湖陸氏。謹摹一過。文彭。唐僧懷素草書自叙帖真跡。明墨林山人項元汴珍秘。共值十金。鈴印四。墨林子京所藏。墨林秘玩。子孫永保。唐懷素書。奇縱變化。超邁前古。其自叙一卷尤為生平狂草。然細以理脉按之，仍不出於規矩法度也。此卷為南唐後主所藏，有建業

文房之印。後歸蘇易簡處。蘇者易簡之子。成  
進士。祥符間。以父蔭補官。題名者是也。其子  
許欽。號才翁。以玉清昭應宮災。工疏。名動當  
世。工草書。米元章書史云。懷素自叙真跡。在  
蘇沁家。前一幅。破碎。其父集賢校理。奔致。自  
寫補之。今前六行。紙色少異。然亦莫辨其為  
補書。正是當時真跡。至其運筆。縱橫神采。動  
薄。想見素師興酣落紙時。合縫處。有四代相  
印。相傳為唐某宗賜。以蘇許公玉刻圖記。必  
才翁家物。宋代名賢題跋。歷年久遠。完好如  
故。更不易得。明吳文定李文曰。二公跋。為謙  
齋徐少師所藏。近有人持至京師。玉奉徐公  
積總裁堂。銀半千得之。頃以長夏借觀。留  
几案數月。其紙尾第四跋。崇英副使知崇英  
院事。兼文房官。檢校工部尚書。王紹顏。當是  
南唐人。失紹顏二字。余所藏宋榻秘帖本有

之世間一物前後必有其主。如四代相印之歸才翁少師所藏之歸玉峯公也。余頑陋無知妄綴卷尾。有愧吳李二公云。康熙癸酉十一月初八日。江村高士奇謹跋。鈐印三。士奇高澹人竹窓。

題籤

御筆。僧懷素自叙真蹟。神品。鈐寶二。天府珍

藏。乾隆宸翰

鑒藏寶璽。八璽。樂壽堂鑑藏寶。古希天子。五福五

代堂古稀天子寶。壽八徵耄念之寶。

殷傳印記。建業文房之印。司印。詳佩六相印  
之齋。四代相印。許國後裔。墨豪武彥之記。趙  
氏藏書。秋壑圖書。羣玉中秘。趙氏子子孫孫  
其永保用。邵叶文房之印。陸氏珎秘。得全堂  
記。古篆彙字。天籟閣。宮保世家。物外奇寶。寄  
教。墨林山人。項叔子。退密。項墨林鑑賞章。項  
墨林父秘笈之印。神品。子京所藏。項元汴印。  
藏書。詳墨林秘玩。墨林項元汴印。元汴子京

父印。項元汴印。項子京氏元汴之印。子京珍  
藏。有何不可。桃花源裏人家。世外法寶。神奇  
煮茶亭長。墨林項季子章。惠泉山樵。墨林外  
史。子孫永保。平生真賞。蒿笠生田疇耕耨。項  
墨林鑑賞法書名畫珍秘。子孫保之。南華仙  
史。構李項氏士家寶玩。棲巖精舍。隱居放言。  
博雅堂寶玩印。神游心賞。虛朗齋。項元汴氏  
審定真蹟。構李沮溺之儔。逸民。淨因庵主。子

京墨林懶叟游方之外。墨林子西疇耕耨。項  
子京家珍藏。五雲香巖居士考古正令。子孫  
世昌會心處。遂廬子京珍秘。堯封長病仙墨  
林堂。鴛鴦湖長誠思齋。物外元賞。維心淨土。  
赤松仙史。桃里癖茶居士。幻溪子京之印。墨  
林硯癖。淨因菴。子孫世昌墨林堂。墨林秘玩。  
野處。

詳按是蹟見宣和書譜及中興館閣續錄清  
河諸畫舫云。則素師自叙真蹟為南唐李氏

故物宋時歷蘇邵呂三氏。我明入徐陸兩家  
未及見之。即此卷也。重裝於昇元四年。昇元  
乃南唐烈祖年號。以文房系銜。故有建業文  
房之印。崇英殿在西都。王紹顏後為滁州刺  
史。見十國春秋。米芾書史云。懷素自叙在朝  
奉郎蘇洵。洵皆拜欽之子。蘇氏自恭知  
政事。易簡之子。青孝子。拜欽之子。欽之子。洵四世  
好事。有真鑒。故有者題名。又有佩六相印之  
為許國後裔。皆其家章。其四世相印。唐文宗  
以賜小許公者。邵純字仲恭。丹陽人。官顯謨  
閣待制。知澧州。蔣之奇字頴叔。宜興人。官觀  
文殿學士。蔣璩字宣卿。之奇從子。知平江府。  
曾行布之子。遂蘇轍之子。富直柔。弼之孫。官  
端明殿學士。同知樞密院事。謙齋乃明徐溥。  
字時用。宏治中大學士。是跡自南唐宋明流  
傳。有誣並見錢綱珊瑚。法書名畫見聞表。畫

碑室隨筆。書畫宗考。近高士奇鈔入江村銷  
夏錄。題跋印記俱同。



曹霸羸馬圖 一軸

〔本幅〕絹本。縱三尺三寸，橫一尺五寸五分。水墨畫雙馬卧坡，老樹藤絡，無名款。

御題行書

初唐畫馬江都王霸實私淑，未謀面百餘年後，稱竅工傳其法者，藍田幹幹之真蹟，既屢獲霸之筆，惜未曾見。何來砵斫兩羸馬，宛脰而走覩。一旦不藉鑒賞辨其真，古香郁郁生陳絹。皇驛

並卧如堵牆。力云億矣神愈榮。羈絡不受適其  
適。六印幸免奚官案。原憲雖貧病則非。馬援固  
老意猶彥。霸蓋自貌坎壈纏。神妙誠臻業獨擅。  
咄哉不能起老杜。歌以配之雙絕觀。己丑新  
春下浣用舊作韓幹人馬圖歌韻。御題。鈐寶二。  
乾隆宸翰。幾暇怡情。

右方傳山題識并臣工和章

此為家耀州公藏物。公好古書畫。藏宋元名  
蹟頗富。經亂散失。憶少年時常過小東門杏

花館見挂此圖壁間。竊誦浣花老子峰岷堵  
牆之篇。快其形似。不謂今遇楓仲收得。亦幾  
乎伯樂之遺矣。謝其羈馬。乾草飲水。交頸  
相摩。真情斯得。壯士見之。千里志在。當復作  
黃金臺下收骨之感。僑黃山記。辛卯之寒。鈴  
印一傳山之印。  
將軍老矣。營丹青。要為伏櫪存真面。恒言數  
典不忘祖。霸也有名。原壓幹。似憐相者多。舉  
肥故貌羸。駭破膚見。斯圖後出。並權。房星  
燭燭垂申旦。風鬟霧鬋。何屈蟠。鴨脚。磬頭。脫  
生絹。左則蹲尻。右摩項。不共驢黃。爭斐。祭其  
形自委。神自揚。黃山僑客。虛評案。譬若英雄  
解肉生。跡弛終。然異儒彥。

十韻重唐仰

天綰兩首古今  
詩聖壇只應餘使笑鷗波墮腹間參定中觀臣劉

綸恭和鈴印二見劉綸

左方臣工和章

少陵丹青引曾讀玉花屹向宛真而固知畫  
善必有神骨勝肉勝辦霸幹宣和畫列藏馬  
名谷影驛驢欣嘗見支離不掩精推奇刷秣  
猶能馳暮早為想將軍寓深意慘淡經營初  
拂絹師承傳說入室韓顛倒青藍堪一絮今  
看兩騎妙無匹洗萬馬空蹟可索嘗觀翼開  
駿骨圖千金貌得燕臺序謂是宋本藝獨絕  
詎識唐賢美先擅  
品題  
同德伏撫恩相賞驪黃如是觀臣于敏中恭  
和鈴印二臣于敏中依光日月  
平原老樹枝離披寒風萬里沙吹面屹然雙  
馬貌雖羸支骨嶙峋自強幹脫羈不用奚官

東呈材合向天閣見畫中妙手曹將軍善貌  
驪皇與乘旦此圖人譜傳宣和古色斑斕浮  
素絹將軍以畫自寫真有似長歎白石祭無  
虛始信盛名下千載風流今可案前身馬果  
有夙因弟子韓猶駕羣芳  
天題品藻聲價增驚人未許杜陵揮何況南山沂  
渭間七字吟成玉局觀臣觀保恭和鈴印二  
臣觀保

下方臣工和章

將軍畫馬世所稀披圖忽喜識真面雙馬支  
離態自雄慘淡經營在骨幹畫馬信知羸馬  
難筆端神妙驚罕見脩韁不受維深窻曠野  
無妨卧旭旦一千餘載埋風烟猶覩清光溢  
生絹將軍昔日經坎塢漂泊有似登樓船詎  
知異代逸

審題

墨寶送瞻供香案由來相馬如相人寫真何  
異邦之考顧視清高意不羣力耶德耶有兼

閭闔

檀試看良馬渥洼來。駉首咸登  
觀。目曹文植恭和。鈴印二臣曹文植。

凌競健骨瘦閣軀。瑟縮卷毛冷侵面。其旁老  
樹積鐵立颯然。放筆為直幹。誰與畫者魏武

孫。南直殿裏曾引見。寫此雙馬散且羸。夕不  
殿中欄外旦。權奇猶在走西沙。慘淡如看掃

東絹。毛皮骨格闊神理。相者舉肥一笑。繇由  
來良馬比君子。市駿千金留舊案。志老堪思

天題

壯心士力稱詎。芳觀德彥。  
論畫寄好賢。寧繁將軍場。獨揮明皇試馬昨

吟太

息開元不貞觀。臣彭元瑞恭和。鈴印二臣元

人瑞。開元不貞觀。畫師易失本來面。杜陵獨

審藻  
謂霸

題幘端威名不負當日擅  
自貌坎壈身

許曹將軍深穩清高得氣幹將軍善畫羸亦  
佳削骨後後破習見不教羈絆馳風塵並卧  
寒沙歷宵旦經營下筆知幾時忽見霜姿起  
匹絹入室還增弟子慙賜金曾博至尊髀流  
傳已閱千餘載拂拭古香溢几案風聞瘦馬  
觸吟賞要使神駿重英房矧邀

論世

曹思賢記東觀臣沈初恭和鈴印二臣沈初  
將軍蹟入石渠千年古色浮幘面二馬樹

陰卧且起畫精神不畫軀幹古人性癖愛神  
俊此獨取羸當有見唐家昔買回鶻馬遠涉  
陰山來震旦皮穿骨茶嗟無用五十匹空償  
官絹太僕嘆其才盡下飛龍供印三花繁霸  
也感事工寫真命筆直立當時案此圖若作  
如是解非惟畫師真馬房方

今西極我外殿。一鱗一匹利肢擲。七尺之隸八尺龍容與齊登。玉臺觀。臣董誥恭和。鈐印二。臣董誥印。

題簽

御筆。

曹霸羸馬圖

石渠  
珍秘

鈐寶一。乾隆宸翰

鑒藏寶璽

八寶  
金

樂壽堂鑒藏寶。古希天子壽。八徵

耄念之寶

謹案宣和畫譜有曹霸羸馬圖

韓幹畫明皇試馬圖

一軸

〔本幅〕絹本。縱一尺一寸七分。橫一尺二寸五分。設色畫明皇醉態乘馬。兩人夾鞍從者一人。無名款。

御題行書

烏雲一朵簇銀蹄。畫肉還看世鮮齊。底識明皇親試馬。宣和餘得瘦金題。乾隆御筆。鈐寶二。比德朗潤。

王池

御題

我曾見趙霖六馬傳貞觀立石像人人拔箭數  
騎嘗冠陷陣中凜凜英風千載羨茲乃歌韓幹  
試馬寫明皇疑是溫泉初罷獵據鞍袖手顏微  
酡兩人夾持尚兢戰嗚呼開創何雄守何弱宴  
安醢毒忽爾忘天眷漁陽鼙鼓來動地難免蜀  
道崎嶇擁欵段畫圖所貴鑒戒存瞿然撫古興

遐歎。戊子新春月御題鈐寶二。乾隆宸翰得  
象外意。

上方

御題。子子孫孫永保鑒之。鈐寶二。鑒古保泰。

題簽。韓幹明皇試馬圖。鈐雙龍印。裝本  
幅右

鑒藏寶璽。八璽樂壽堂鑒藏寶。古希天子。壽八徵。

耄念之寶。

收傳印記。政和宣和宣龢大印一不可辨。鼎

式半印二字亦不全

謹按是圖載宣和畫譜今入

內府

御筆題識  
命摹搨上石

頌賜內外臣工所以垂戒萬世匪徒游藝好古之  
為也

顏真卿贈裴將軍詩帖 一卷

本幅素牋本。縱一尺一寸三分。橫五尺一寸五分。行草書。裴將軍大君制六合。猛將清九垓。戰馬若龍虎。騰陵何壯哉。將軍臨北荒。但赫耀英材。劍舞躍游電。隨風縈且迴。登高望天山。白雪正崔嵬。入陣破騎虜。威聲雄震雷。一射百馬倒。再射萬夫開。匈奴不敢敵。相呼歸去來。功成報天子。可以圖麟臺。鈐印一真。

卿。

引首

御筆 雄秀獨出 乾隆御筆 鈐寶 一 乾隆御筆

後幅

御識

魯公忠義之氣。皎如日月。故其書波立雲垂。雄姿英發。茲裴將軍帖于額蹟中。尤為炫耀彪炳。幾暇披覽。始知宋四家各得其一端。已足稱豪。

後世。況全體包舉如此者。每值臨池。不禁神往。  
乾隆丙寅春月。御識。鈐寶二。幾暇臨池。內府  
書畫之寶。附前人題跋。

唐顏魯公書真草九十口字。若雷奔電掣。絕  
妙非常。世所罕見。得觀遺墨。亦足以慰高山  
仰止之思。恍然如入宗廟。觀天球河圖之珍  
而聆簫韶之奏。甚大幸也。乾德二年四月上  
巳。開封曹彬題。  
顏魯公書葉辭意可與秋霜爭嚴。豈獨取其  
字畫之妙。林逋書。  
歲丙申。得何逸翁書。謂近得顏魯公墨蹟。特  
奇怪。余駭所未見也。乃專走一併。借以來向  
徐抱獨為余言。學書者須兼通篆隸行草。方

自成一家。今觀此帖，渠口信然。至於忠勇英  
傑之氣，淋漓翰墨，亦非他學書者可及也。此  
藏於中興初，梁尚書家。後歸之逸翁，其傳來  
自南唐，必有所據矣。小至後十日，襄陽王亞  
夫題鈴印三。王亞夫印，景存硯山王氏。  
昭敬觀。上三子  
逸林所藏，蓋魯公贈裴帖真蹟。云得諸戶書  
梁公之曾孫，蓋余之從父也。俛今仰昔，感慨  
係之。因作數語，識卷尾。括人梁禾。文昌傑  
閣。參霄崢。鄭侯書架，韋經簾。金題玉璫，世莫  
名封胡羯末。今分去滕鎬青箱，各私貯。人琴  
俱亡，不知處。今朝驚見顏公詩，真行草聖，歎  
絕奇。衛公故物，幸有遺藏。真蹟曾經乙覽，此  
紙風流殊不減。老眼摩娑，為銷黯。此翁忠義  
近代無。英風直可立懦夫。較拳響，捐奚區區。  
癸未立夏日，書於碩齋。

右顏魯公送裴將軍詩多感慨踔厲是公合  
作語而不見集中錫山安國續刻之故應是  
安氏物也詩兼正行體拙古處幾若篆籀而  
筆勢雄強勁逸有一掣萬鈞之力所謂印印  
泥錐畫沙折釵股屋漏痕蓋兼得之矣裴將  
軍當是裴旻旻劍舞與公書吳道子畫為開  
元第一公書此歌時旻豈亦錦鞞紫膜壁馬  
跳躍為驚雷掣電狀耶不然何公書之酷似  
道子畫也跋尾曾武惠王林和靖處士筆意  
亦自可觀萬歷元年秋日記於小孤山色中題  
王世貞鈐印二王世貞印天茂居士  
萬歷甲戌中秋日記鈐印一太僕寺印乙  
亥中秋日記鈐印一撫治鄖陽等處關防  
天寶劍舞裴旻盤馬一決分千身燭如雷  
電繚四足圓若日月搏雙輪顏尚書受顏史  
訣書筆暗與裴神通武功不競國之恥五字

欲掃祁連塵。雖沙印泥紛並出。大篆古隸藏  
其魚懸崖吐溜。忽百丈墜石小轉迴。千鈞漁  
陽揭地動。鼙鼓尚書猶新。裴已陳二十四郡  
委深走。扼腕浩歎秦無人。不看李郭萬人敵。  
扶汝健筆刊嶙峋。嗚呼小技何足論。萬歷二  
年孟冬。於天津道中題。世貞鈴印二鳳洲王  
元美印。

辛卯七月。徐益孫陳繼儒謹鑒。

丙子秋仲。曹昌先觀。

裴吳將軍嘗請吳道子畫佛像。道子謂將軍  
可為吾舞劍。將軍舞訖。道子奮筆便成。時謂  
二絕。魯公唐代忠賢書名重千古。今復為將  
軍手贈此詩。不啻三絕。其書有格外風力。故  
知非贗作也。吾兄其實藏之。萬歷丙子夏五  
月。題於郾陽清美堂。王世懋鈴印二。王敬美  
氏。牆東居士。

萬歷元年長至日吳郡湯傑後之甫重表鈴  
印一湯傑之印

鑑藏寶璽

八璽

樂壽堂鑑藏寶德日新乾隆御賞

之寶自強不息古希天子五福五代堂古稀天  
子寶壽八徵耄念之寶

收傳印記建業文房之印信安藏印逸翁圖

書咸寧王元美印乾坤清賞有明王氏圖書


之印貞元甲戌廬江宗姚秀石圖記永以為

好既明且哲以保其身射澤宣氏蒼巖子梁

清標王立氏印章。蕉林鑒定。梁清標印。蕉林書屋。蒼巖。蕉林。秋碧。觀其大畧。

謹按全唐詩。但作烜。雪作雲。圖作畫。攷圖字古文作圖。真卿書從古文。稍變作圖。非畫字也。是帖見清秘藏。寓意編。嚴氏書畫記。清河書畫舫。書畫彙考。考諸跋。梁尚書名李珣字飭父。麗水人。宋南渡初。官尚書戶吏二侍郎。兼教令所詳定官。後一跋。括人梁禾。是其族孫也。王世貞跋後兩官印。據明史。世貞以廣西右布政使入為太僕卿。又以右副都御史撫治鄖陽。故有太僕鄖陽兩印耳。曹昌先字子念。太倉人。考諸印記。有南唐後主建業文房之印。其信安王印。為宋信安郡王允寧謚僖簡。逸翁圖書印。王亞夫。梁禾跋中所稱何。

逸林成寧為仇鸞印記。鸞父鉞於正德中封  
成寧侯。鸞襲封。嘉靖三十一年。鸞敗。籍沒。此  
蹟先入鸞家。後歸王世貞。故世貞跋為萬曆  
元年。下四印皆世貞所記。梁禾跋中所云紙  
鸞者。蓋用鸞尾紙事。王氏法帖後。凡大書一  
鸞字。竄名筆極貴。出事物紺珠。



韓滉七才子圖 一卷

〔本幅〕絹本。縱一尺二寸三分。橫四尺八寸五分。設色畫七人。或席帽。或唐巾。雜騎牛馬。蹇驢。奚童三人步從。各有所攜。標名第一。宋之問。第三。崔顥。第五。史白。第六。李白。第七。高適。第二。第四。舊闕。

御書補標王維岑參

御筆分題行書

綵樓選句日翩翩美少年那知驢背上鬚髯領  
七賢世代考莫窮姓名忽已傳足稱忘年交堪  
比登仙船透得詩畫禪逢場聊作戲蘊玉山  
故輝含珠川以媚破帽與氅衣裝束殊高致試  
看一鞭揮維摩果不二司勳亦俊才佳句如  
陰鏗忽入畫裏看少年憶渭城如何冒風雪聯  
轡將馬征馬上執青簡遙識為參軍清辭留  
人間遑遑如吳均詩人多次河流寓劍水濱胡

為別杜老。而追作者羣。諫議個儻人。丰姿秀

堪觀。正史獨遺名。發潛可惜許。騎牛過函關。關

尹曾逢否。叶介紹岑李間。莫逆忘爾汝。有子世

業傳。飛白繼其武。意不喜長安。賜金得放返。

惜騰策。寒驢酒氣餘。燥吻高節超。塵寰浮名何

增損。若將比竹林。位置嵇與阮。達夫尚節義。

其詩故可傳。據鞍意自殊。默構成佳篇。韓相留

墨妙。致我思古人。叶獨惜有遺舛。杜老與浩然。

每段分鈐寶。幾暇怡情。乾隆宸翰。會心不遠。  
德充符。絜矩。激觀比德。朗潤得佳趣。

後隔水

御識

右七才子圖卷。標名宋之間。崔顥。史白。李白。高  
適五人。而遺其二。考前人。所記七賢。都無確據。  
李東陽所引。則或稱宋崔李王岑五人。或稱軻  
川太白高岑。在史六人。爰折衷補王維岑參二

人名而各系以詩。但考功馳聲景龍前。行輩不  
同時為可疑。然舊識皆如此。因仍之。並畧為辨  
證云。乾隆御識。鈐寶二。八徵耄念。自強不息。

後幅臣工題跋。

晉公畫手孰比肩。人物變態神理全。五羊擊  
壤藝苑傳。七才子國唐賢。延清才逸調真。  
娟接頭落紙。何類翻君詩。獨留邢子剛。景龍  
風格開眾先。序詰詩畫無通禪。宮槐葉落心  
憂煎。陳琳庚信語可憐。司勳揮灑疑從天。黃  
鶴白雲詩一篇。壓倒餘子誰能攀。嘉州補衣  
君王前。後參軍事之窮遠。羽聲慷慨驚朱鳥。  
史白諫議羞寒蟬。書擅飛白形翩翩。五史放

失母乃偏誰起逸者李青蓮工詩綴酒還游  
仙三公之位誰執執然老年浪跡歸青山達夫  
老去為連官學詩晚歲旋登壇高本並峙父  
峯顛七子先後為同班風中雨笠俱掀掀青  
驪白牯驪駒題聯題並贈疑出閣僚達尹喜  
談幽元一一點染歸素紉杜陵哀陽何逸焉  
其故難詰姑舍旃圖畫歷久色未驚神物呵  
護逾千年歸諸

聖人秘府珍璵璫

天藻宣榮光上燭輝星躔此書此畫長留天地間  
乾隆辛未仲冬下浣臣沈德潛奉

敕教

題時年七十有九鈴印三臣德潛報國文章  
臣等謹案七賢過關自唐迄明命名者不一

說考古者不一家或云即建安七子或云唐  
七才子宋以前畫家題目稱七賢圖者唐有

張萱韋鑒。五代有支仲元。其稱七才子國者。  
唐有韓滉。五代有黃筌。邱文播。宋有王端。皆  
不指言七賢。七才子為何人。中興館閣錄有  
陸僅所畫孟浩然過闕圖。虞集題詩。有七人  
圖裏一人存之句。以孟浩然為七賢中之一  
似七賢俱為唐人。而其餘六人亦未詳及姓  
氏。至黃庭堅稱眉山老書生。作七才子入關  
圖。亦但稱七人者。皆詩人。而姓名並未指出。  
元明間始盛稱七賢。過闕圖。明初劉孟熙。霏  
雪錄始為辨論。厥後說者紛紜不一。或以為  
即論語作者七人。或以為晉世清談之流。即  
竹林七賢。又或以為張說。張九齡。李白。李華。  
王維。鄭虔。孟浩然。七人。或以為李白。高適。潘  
道遠。柳宗元。劉禹錫等。而李進。李孟。璿。又以  
為宋之問。崔顥。李白。王維。岑參。高適。史白。諸  
人。統而核之。作者七人。荒遠無稽。其所指唐

人亦皆前後不同時。妄為牽合。且竹林七賢。非盡能詩。亦與山谷所云七人皆詩人者。不符。明李東陽陸深楊慎輩。俱有考證。亦不敢遽為定論。是以

佩文齋

書畫譜。所載七賢。過闕。與七才子入闕。圖繪事者。各出其見。論人者。不一其時。亦皆存

而不論。此卷舊簽為韓滉七才子圖。書法古勁。設色蒼秀。衣飾亦有出水當風遺致。畫中原標宋之問。在顓高適。史白李白等五人名。而缺其一。

幾餘考定。補以王維。岑參。用阮籍五君詠體。分系五古。各一章。于諸人才品學術。各有評斷。

論世意

知人。正不必如畫史家。賞鑒家。徒以翰墨為

重。且托諸人聚合。為忘年交。又別寄送深于杜陵。袁陽。亦何嘗不為斷斷辨論者。作一圖。

相。一轉語也。目梁國治臣董誥臣曹文植謹識。鈐印二。臣治。

鑒藏寶璽

八璽金。

樂壽堂鑑藏寶。古希天子壽。天恩。

八句。

收傳印記。紹興司印。畔蕉林梁氏書畫印。蕉

林書屋。蒼巖圖史自娛。蕉林居士秋碧。蕉林

秘玩。蒼巖子。蕉林鑒定。觀其大畧。

謹按韓況字太沖。唐京兆長安人。德宗初檢校左僕射同中書門下平章事。封晉國公。見唐書本傳。又名畫缺。況畫師僧繇。是蹟見孫承澤庚子銷夏記。云在西川柳鳳占處。本宣

和畫譜中物也

周昉內人雙陸圖 一卷

本幅絹本。縱九寸。橫三尺六寸。設色畫對坐雙陸者二人。立視者二人。持盃悅侍者四人。無名款。有錢選題。

周昉當年號神品。能傳宮禁衆名姬。因看雙陸思纖手。想見唐家極盛時。款。吳興錢選舜舉鈐印。二舜舉錢選。

後幅前人題跋

驟起深宮未梳沐。供湯侍婢走匍匐。女工不親無用心。髻髻雙雙打雙陸。劉孝基題。

嘉靖壬戌二月十日。偶侍尚之聲室。過王氏園亭。得觀此圖。乃唐人周昉筆也。而幾進士為之題。設色精雅。神妙絕倫。如良工之無斧鑿痕。視之皆有生意。真超凡入聖之筆也。季重不知何緣得此。余把玩久之。因附題云。曉來懶去。褪殘粧。且戲撈蒲。賭勝忙。豈為日長無箇事。故尋消遣在昭陽。五湖陸師道。鈴印二陸子。傳陸師道印。

題籤

御筆 周昉內人雙陸圖 鈴寶 一 乾隆宸翰

鑒藏寶璽

八璽

樂壽堂鑑藏寶

收傳印記 顧用圓印式古堂書畫卞占五印

荆浩匡廬圖 一軸

本幅絹本縱五尺九寸橫三尺三寸五分水墨畫五老爐峯三峽左蠡諸景標題荆浩真蹟神品鈐印一。內府之寶有韓璣柯九思等

題

翠微深處著軒楹絕磴懸崖瀑布明階我扁舟蕩空碧一壺春酒看雲生蘭邱韓璣題鈐印一不可辨  
嵐清晴蕙滴翠濃蒼松絕壁影重重瀑流飛下三千尺寫出廬山五老峯柯九思題鈐印一柯敬仲氏

御題章草書

虛齋敞設欄楹。飽參山秀水明。仿佛白雲深處。  
招攜匡俗先生。昭邱露鎖嵐濃。素瀑龍飛練  
重。坐我畫禪書室。對他栖隱鑪峯。乾隆御題  
用幅間舊韻。鈴寶二。乾隆宸翰。幾暇怡情。附臣

工和章

倚空嵐翠浮楹。瞥見廬山眼明。却羨江邊五  
老香鑪供養雲生。飛泉噴沫晴濃。隔斷塵寰  
幾重。想得幽棲洪谷神遊側。嶺橫峯巨。梁詩  
正恭和鈴印二。臣梁詩正朝朝梁翰

濕翠曉撲虛樞飛雲乍時乍明遠浦一爲春  
水潯陽江上潮生錦屏九疊烟濃玉瀑三峽  
浪重草堂蓮社何處鐘聲只在前峯臣汪由  
敦恭和鈴印二。臣由敦敬書

鑒歲寶璽

八璽金

樂壽堂鑒歲寶乾隆御覽之寶五

福五代堂古稀天子寶八徵耄念之寶

收傳印記二不可辨

謹案庚子銷夏記載此圖云上有宋高宗題  
荆浩神跡真品六字下用內府之寶又有元  
人韓輿柯九思二詩悉合

關仝山谿待渡圖

一軸

本幅絹本。縱四尺八寸二分。橫三尺一寸。淺設色。畫峯巒飛瀑。古剎柴關。其下溪流繫艇。有驅驢喚渡者。無名款。

御題行書。

磔裂已看纊地陳。溪山千古自精神。蒼然暮色橫川上。尚有擔囊待渡人。  
丁亥秋日。御題。鈐寶二。乾隆。

〔玉池〕關仝山谿待渡圖

篆書無名款

〔鑒藏寶璽〕

八璽金

樂壽堂鑒藏寶五福五代堂古稀

天子寶八徵耄念之寶

〔收傳印記〕羣玉中秘張氏蓬山珍藏口口之

後

關全畫關山行旅 一軸

〔本幅〕絹本。縱四尺五寸，橫一尺七寸五分。水墨畫山嶺、雲林、中藏古寺、平坡、村店、賈客、停驂，無名款。

御題行書

來往何紛沓，關山自邈迤。步餘霜跡白，望裏峯容紫。沽酒向茅棚，問渡愁野水。妙矣畫中趣，悠哉畫外旨。誰非行旅人，竭然獨傳此。 乾隆丁

卯御題鈴寶一乾隆宸翰

鑒藏寶璽

八璽全

樂壽堂鑒藏寶古希天子

收傳印記悅生圖書天厯之寶晉國奎章司

印

半印

衛賢高士圖 一卷

〔本幅絹本〕立軸橫裝縱四尺二寸橫一尺六寸五分淺設色畫梁鴻故事

御題行書 神 鈐寶一乾隆宸翰

孟光菽水舉齊眉梯几梁鴻穆且怡京兆似明古梳字不知津逮又因誰 宋宣和瘦金標題 衛賢高士圖所畫乃孟光舉案事按曾鞏耳目志孟光舉案齊眉俗直謂几案耳呂少衛云按

乃古梳字故舉與眉齊楊慎丹鉛總錄又云若  
是案卓何能高舉二人所言固屬雷同且衛賢  
五代人乃出其前所圖已是以槃承梳而進則  
知案之為梳非自曾楊叔論因題此畫並識如  
右已丑新正月上澣御筆鈐寶二幾暇怡情  
得佳趣

前隔水宣和墨書衛賢高士圖

梁伯鸞

鈐雙龍

方印

後幅

御題

後漢梁鴻。隱居賃舂。千古高士。是圖寫邨舍籬落。及德曜相敬如賓之狀。宛然欲出。而筆法極古秀深蒼。卷前宋徽廟以瘦金書法標題衛賢高士圖五字。後有政和等小璽。則知當日曾收入宣和內府矣。按衛賢供奉南唐。於畫道刻苦不倦。流傳絕少。今幸覩此名蹟。并得髣髴高隱。

風規良足寶也。乾隆己巳仲冬下浣御識鈴寶  
三。乾隆幾暇臨池。

鑒藏寶璽

八璽全


樂壽堂鑒藏寶古希天子壽天恩

八句

收傳印記御書政和政龢宣和宣龢內府圖  
書之印永春侯印清真軒蕉林秘玩蕉林梁  
氏書畫之印蒼巖子梁清標印觀其大畧

謹按衛賢京兆人為內供奉長于樓臺人物  
見十國春秋元周密雲烟過眼錄載衛賢高

士圖。作伯鸞孟光妙品。即宣和書譜所謂衛  
賢梁伯鸞圖一也。孫承澤庚子銷夏記亦載  
之。



王齊翰江山隱居圖 一卷

本幅絹本。縱一尺三寸。橫六尺六寸三分。青  
綠山水。樹木。山中村宇。皆界畫。款王齊翰。右  
裝宣和墨書。王齊翰江山隱居圖。

御題行書

翰林好寫邱壑隱。佳麗江山稱考槃。粗勾入木  
三分信。細理得環一氣完。鑪地磔裂神自蔚。墨  
華示現香常漫。摘詞不可為恒語。應作我聞如

是觀。癸未仲春月御題鈴寶二乾隆

後幅前人題跋

余嘗遊京師見法書名畫極多今觀王齊翰山水長卷則喚醒塵夢也矧後之能鑒者鮮矣惜哉至正十二年正月廿三日吳興唐棣謹題鈴印一唐氏子華

歲在丙寅九月廿日董其昌觀

漢魏後以畫垂聲者愷之道子然皆以人物得名兼山水者絕少王齊翰為五代人不獨以人物推重兼工山水多作青綠與顧吳兩家異其名則與顧吳兩家並重然亦不多作畫苑稱其人洒落不凡即時貴不能得其筆與至自娛故不苟作此幅在近時如優鉢曇花偶落人間示現色相向藏弇州先生家

後轉入張茂實氏。蓋至寶也。趙宋諸名士咸  
師法此君趙千里尤為入室故其青綠點染  
別具精采迥異諸家細閱此圖自見夏彛商  
雖歷世彌重蓋不僅愛其陸離璀璨正以其  
神骨具在耳。崇禎丙子春東冶商家梅題於  
印一商家梅

鑒藏寶璽

八璽

樂壽堂鑑藏寶古希天子五福五

代堂古稀天子寶壽八徵耄念之寶用筆在心

已有同春

收傳印記子京父印橋李李氏鶴夢軒珍藏

記會嘉又二印不可辨

謹按王齊翰。南唐金陵人。官翰林待詔。宣和  
畫譜云。王齊翰。好作山林。邱壑。巖幽。卜商  
家梅。字孟和。閩縣人。

黃筌柳塘聚禽圖 一卷

〔本幅〕絹本。縱七寸一分。橫五尺七寸三分。設色花鳥。右籤宣和墨書黃筌柳塘聚禽圖。後白麻紙一幅。題臣張金界奴上進。內畫庫明道元年十月三日奉聖旨秘閣點取到黃筌柳塘聚禽圖一卷。字號係神品上。裝褙成卷。入內內侍省內西頭供奉官朝奉郎守內侍省內寺伯勾當內畫庫護軍臣盧道隆入內

內侍省內東頭供奉官朝奉郎守內侍省內  
府局丞勾當內畫庫上騎都尉臣邵從偃銀  
青光祿大夫檢校太子賓客兼御史大夫充  
上御藥供奉勾當內畫庫上騎尉臣任守忠  
銀青光祿大夫檢校太子賓客兼御史大夫  
充上御藥勾當內畫庫上護軍臣楊懷忠

後幅

五代黃屋柳塘聚舍圖明墨林山人項元汴  
真賞寶秘原價捌拾兩購於無錫華來沙家

象字編號鈴印三。墨林。香齋居士。子京父印。

鑒藏寶璽

八璽

樂壽堂鑒藏寶

收傳印記

御書宣和

又宣和半印

秘閣之印德壽

羣玉中秘端本柯敬仲氏張

一字不辨

審定

半印一不

可辨張達善印項元汴印墨林翰墨林鑒定章

子京珎秘子京父印墨林秘玩天籟閣退密

虛朗齋宮保世家桃花源裏人家項子京家

珎藏項墨林鑒賞章樵李項氏士家寶玩樵

李墨林秘玩西疇耕耦子京香巖居士項叔  
子博雅堂寶玩印翰墨林書畫章卞永譽印  
令之氏一字仙客式古堂書畫圖書府

謹按明道為宋仁宗年號畫庫列後四人皆  
內臣任守忠見宋史宦者傳英宗朝為韓琦  
所敗者也